

Duce Deo
DISPUTATIO PHILOSOPHICA
De
MAGIA NATURALI

Cum approbatione & Consensu V. de Facultatis Phi-
losophicae in celeberrima, quæ Aboæ ad Auram est,
Academia eruditis ad ventilandum
publicè exhibita

P R E S I D E
M. IOHANNE S. VVASSENIO
VV-Gotho.

R E S P O N D E N T E
AXELIO JONÆ ORRE / Finlando.
Ad Diem 17. Junij, horis & loco consuetis,
Anni 1648.

Seneca.

Cum imus per occulta Naturæ, cum divina tractamus, vindicandus est à malis
fuis animus.

Levin. Lemn. ex Arist.

Nihil in natura rerum tam minutum, tamq; vile & abiectum, quod non di-
quid admirationis hominibus adferatur.



A B O Æ.

Excudebat Petrus Wald / Acad Typogr. Anno 1648.

- Reverendis, strenuis & præstantissimis Viris,
- DN. ERICO NICOLAI, Pastorien My-
thyrdia/vigilantissimo.
- DN. ANDREÆ IONÆ ORRE/ Pre-
posito & Pastor in Hellola/dignissimo.
- DN. IOHANNI IONÆ ORRE/Ge-
nerosissimi Dñi Gustavi Horn p[re]fecto Circumspe-
ciliissimo.
- DN. ELIAE IONÆ ORRE / Equitum
vice-Magistro perindustria.
- DN. GUSTAVO IONÆ ORRE / E-
quitum Decano Laudatissimo.
- DN. ARVIDO IONÆ ORRE / Legi-
onis inter Equites Decurioni fidelissima.

Fautor, amico & Fratribus Germa-
nis unicè colendis,
Hocce Exercitium Disputatorium
in Grati animi signum.
D.D.D.

Axelius Ionæ Orre /
Respondens.

PRODROMUS.

Magia Naturalis apud eruditos quosq; seculorum omnium in quanto fuerit & sit aestimatio, Doctorum passim testantur monumenta. Hac primitus perfecte ornatus erat omnium nostrum parens Adamus: Hac imbutus erat Salomon, Sol & Sal sapientissimorum regum Mundi: Hujus enim de omnibus Naturæ mysticis sermones , nil nisi accuratae erant disputationes . Hanc sapientissimi quiq; festo excepere plausu, ut Empedocles, Aesculapius, Democritus, Plato, Anaxagoras, Archimedes, Porta &c. qui ad hanc Helenam formosissimam, ad hanc physicæ lampadem maximam sibi acquirendam è patrijs suis discesserunt , exilijs potius quam peregrinationibus suscepisti: Hæc Dea est, cui fame siccii, siti aridi, procul à villarum amoenitatibus, amicorum congressibus, in cubiculorum recessu contabescentes sedulè littarunt. In hujus ego, ne post Homerum Iliada conscribere videar, laudes a surgere nolo, nullus interim dubitans, quin omnes candidi hanc materiam ut scitu jucundissimam & utilissimam, ita ventilatu dignissimam, vel me tacente, sponte suâ judicent. Cum itaq;, Divinâ affulgente gratiâ, privatum Collegium physicum Disputationibus XXII. inclusum jam ad finem ferè perduxerim, placuit agellum Magicum aliquantulum laboriosius assumere repastinandum, atq; ea quæ de Magia Naturali antea privatim breviter proposui, nunc publicè paulò fusiùs perseQUI & paralipomena quædam sectari, idq; cum ob materiae jucunditatem, tūm etiā gravitatem & amplitudinem: nullibi enim in physicis tantum reperitur oblectamenti

et commodi, quantum in ipsa naturali magia... Hinc
verissimum est illud, quod Christ. Gluckstadt ex Libavio
dicit: Disputant quidem multi de vacuo, de infinito, de mutuitate eternitate
universi, & aliis questionibus physicis, verum ubi anxie admodum singula e-
tollerunt, nihil amplius in singularitate rerum proserunt, quam foris me-
diocriter eruditus. At hæc Magia & upenda Dei Opt. Max. ope
nobis pandit & ob oculos ponit, hæc est, quæ tot naturæ
arcana & occultas proprietates eruit & patescit, totq;
Sympathiz & antipathiz effecta per quæ in admiranda
inquirit. Hæc nostra jam Rhodus erit, hic nobis pro qua-
ribus saltandum.

Cer lingvamq; Deus sacro nunc flamine lustr,
Quæ tibi dilectus gratus & hicce sicut.

THE S I S . I.

Mundum ex concordia & cœle compositum esse ac-
te pronunciauit Empedocles: In mundo nempe
ut infinitæ, ita admirabiles rerum naturalium sunt for-
mae, qualitatibus nunc occultis, nunc manifestis scaten-
tes stupendis, quæ orans amoris & odij sive sympa-
thiz & Antipathiz præbent fundatum... Ex
his perfectè cognitis & rectè applicatis, Naturæ lu-
denter latentes deliciae ac divitiae magnificaq; spectacu-
la oriuntur, que non mercede sed miraculo coluntur,
unde scientiarum surgit Apex Magia... Hanc er-
go magiorum in Philosophia procerum vivis ex-
perimentis probatam improbare vel negare, est
experiencia bellum indicere.

2. SYMPATHIA est amor naturalis corporis unius erga aliud. Amant enim se natura & nullo accepto beneficio. Naphta elonginquo ad se ignem trahit & inflammatur. Celebre est arctissimum ilud ferri & magnetis conjugium, quo initio velut fædere inter se svarissimo adhaerescunt complexu: Selenites nude cutis contactu sanguinem quavis ex parte manantem sifflit, dicente Fernelio: Frigore lesis medicamenta prosum frigida; adustis calida. Venenum re ieno pellitur & similia similibus sepè curantur. In Austria duo suisse perhibentur gemelli, qui objectis solis ad januam corporis lateribus, seras & claustra recluserunt. Sic multa sunt a similia, herbae, lapides, que cum homine atq; etiā inter se maximam fōvent concordiam.

3. ANTIATHIA est odium naturale corporis unius adversus aliud. Sicut enim raptus similiū, sic etiā fuga dissimiliū in tota vegetatura odio se prosequuntur plurima vehementissimo, nudi & data offensa. Oleo, butyro ac pinguedini accessis aquam si affundis, ignis aquam fugiens, non sine murmure loca petit superiora ipsaſq; īspē incendit ædes. Pernicia sunt cicutæ & rutæ odia. Torpedo ad motum licet pigra, mugiles tamen venatur & capit velocissimos. Hirundinis nostrum & amygdala amara ebrietati resistunt. Un-

gula alcis cornitali morbo contrariatur. Homo & serpens ita irreconcilabili dissident simultate, ut viso saltu serpente horreat & contremiscat, immo hoc viso foeminae non raro abortiant. Elephas suem, arietem & murem metuit ac fugit: Pullus gallinaceus vix aovo exclusus accipitrem aliasq; rapaces volucres formidat & ad matrem fugâ sibi consulit, cum equum vel bovem non pertimescat. Sic lupum fugit ovis, hyænam canis, canem lepus, accipitrem columba. Homines etiâ quidam innato quasi ardente odio, licet nullâ ab invicem injuria affecti: Talem affectum in Volusium se habuisse testatur Catullus:

Non amo te Volusi, nec possum dicere quare,

Hoc tantum possum dicere, non amo te,
Sunt homines, qui felium praesentiâ in animi incidentia
deliquium; Sed nostri jam non est insitutis singula ejus-
modi hic enumerare: illâ enim qui Naturæ atrij pe-
nitissima secreta & recessus intimiores penetrare ge-
stit, difficile non erit alijs ut in medium proferre ex-
emplorum myriades. Hinc prænominato Empedo-
cli suffragatus Heraclitus, Naturam ex bello geni-
tam affirmavit.

P O R I S M A. Qualitates occultas, quæ sensus fugiunt, proprio-
que nomine designari nequeunt; ignorantia Asylum & mulierularum nemias
statuere, ignorantis & impudentis; non sapientis est. Non enim omnia na-
ture opera ad notas & manifestas quatuor Elementorum mixturas earumq;
qualitatum temperaturas referri possunt, cum plurima eaq; nobiliora super
barum conditionem longe sint elevata & in abstrusiori naturæ penu fundata.
Sic per qualit, occultas, non manifestas, magnes ferrum trahit, Heliotropium

ad nutum solit circumagit ut Torpedo omnia piseatoris nembra etiam per curidinem longissimam stupefacit. Ebeneis sive Remora impetuissimum mavis impedit cursum. Ex hisce iam paulo prolixius pralibatis satis liqueat in quibus Magia Naturalis sit fundata.

4. *Magia communis Doctorum suffragio à voce*
Magus dederit, quæ vox apud Persas sapientem significat: ut enim Romani suos habuerent Sapientes, Græci Philosophos, Indi Brachmanes, Babylonij & Assyrij Chaldæos, Galli Druidas, Ægyptij Sacerdotes; Sic Persæ Magos, qui non solum Religioni præfuerunt, verum etiæ studia tractarunt Philosophica.

P O R I S M A. Hinc Magia altior sanctiorq; Philosophia venit audit: Non enim vulgaria & ante euulvis pedes posita considerat Magia, sed quæ in secretiori Naturæ archivio abscondita serventur.

5. *Ex his patet (1.) Magia nomen apud Persas*
fuisse honestissimum, eoq; nihil aliud, nihil plausibilius dari potuisse, adeò ut Regi Majestate indignus haberetur, qui magii in hac imbutus non esset. Verum cum laudatissimæ huic Magiae, otiosæ, superstitione ac impiæ discipline accesserint, factum est, ut vox hæc (2) ob impostorū colluviem aliter etiam acciperetur, in deteriorem videlicet partem, pro Magia Diabolica & infami, immundorum spirituum commercijs inauspicata. Et sceleratissimæ curiositatis arte formata, quam homines quidam miserrimi, diabolicâ fraude fascinati, quod vel admirandam rerum occultarum peritiam, vel vanam quandam gloriolam sibi acquirerent, naviter excoluerunt, non tam alijs, qui in sibi meti ipsis injury.

6. Hodie vero vox Magiae (3) latè sumitar, pro rerū naturalium cognitione secretiori Licitā vel Illicitā: Et sic significat facultatem quandam, qvā qvis divinare & res prorsus admirandas p̄stare potest, non habitō respectu, an ea ex Libro Naturæ, an nefaria Satanæ confœderatione sit quæsita, undē ad ambiguitatem tollendam addi solent hæc verba: Licitā sive Naturalis, & Illicitā sive Dæmoniaca.

P O R I S M A. Magia Naturalis magnum maximū Dei donum est; Dæmoniaca verò flagitiosissimum inventum, Sacro codici & bonis illib, contrarium, sui cultorem eum gemitu & fremitu ad orcum protrudens.

7. *Magia Naturalis* alias dicitur *Philosophia occulta*, *Philosophia secretior*, *Philosophiæ apex*, *Philosophiæ consumatio*, *Divinatrix*, *Tbaumaturgica*, &c.

8. Per scientiam ne an artem vel per Habitum definienda veniat Magia, inter se se disceptant Philosophi; verū nos hic in limine statim illud inculcadum censemus, quod in Ethica sua Heiderus: Nos, rebus intellectis, in verborum usu debere faciliores esse: qui enim magni sunt in parvis, semper parvi sunt in magnis. Quidam artem volunt, ut Cardanus: Scientiam alij, ut Joh, Porta: alij sapientiam ut subtilis Scaliger Exerc. 327. ubi ait: Atqui hæc quidem (*magia*) artis nomine se se appellatam dolet, qvæ mera est sapientia.. Nos & Scientiam & artem magiam hanc esse dicimus. Scientia est Magia,

prout

prout int̄iora naturae mysteria per certas causas speculatur ibig quiescit. Ars est, dum, acquisitio scientiae, ulterius progreditur. Et opera admiranda molitur. Et proinde Magia per Habitum ex scientia arte constat, salvâ tamen aliorum auctoritate, definienda statuimus.

9. Duplici Magia gaudet objecto: Res enim abditas scrutatur. Et opera admiranda efficit. Secundum prius Divinatrix salutari solita est, unde Scal. Cardanum ita alloquitur: Eam (magiam putat) tu cum separas à divinitate, non nisi ridiculam ac nefariam istam vestram Picatricis & aliorum lemurum nugas atq; somnia videris agnoscere; Secundū posteri^o Thaumaturgica dicitur, prout opera ea producit, quæ vulgarib^o ingenij prodigiosa videntur.

10. Definitur itaq; Magia Naturalis non incomode, quod sit, Habitus rerū abditarū scientiā, operūq; admirandorū arte constas, è Libro Naturae acquisitus.

11. Cum itaq; partim contemplatione contenta sit, partim ad opera admiranda progrediatur, dividitur recte in Theoreticam & Practicam. Illa rerum obscurarum & abditarum est scientia, quæ claruit Anaxagoras, qui ex secretiori cœlestium literarum scientia prædixit, quibus diebus saxum ex alto in terram esset casurum, quod etiam interdiu ad Aegos flumen in Thrasia factum est. Idem secundū Theoreticam illam Magiam in siccitate maxima pluviam

predixit, eamq; ob causam divino honore maiestatis est.
Talis etiam erat Democritus, dum olei prævidens
caritatem, in toto tractu omne coëmit oleum ex eoz se-
quente anno quæstum fecit maximam. Hæc co-
gnitionis ad opera admiranda applicatio est: Se-
cundum hanc Archimedes, Porta, alijq; varia eaq;
mira produxere opera.

PORISMA. Verba, characteres & ceremonie ad Magiam Naturam non spectant: qui enim hilce in morborum curationibus, studiis, con-
victu, bello, mettatura, agricultura, piscatura, &c. mira qvædam præstare co-
natur, non naturalem sed Diabolicam exercent magiam.

12. Magia Naturalis in tota sua latitudine consi-
derata, cum sit habitus aggregatus ex scientia & arte,
merito eandem cum Philosophia sortita est divisionem,
imò Magiam secretiorem & subtiliorem Philosophiam non absurdè dixerim: ad varias enim phi-
losophiae partes, imò extra Philosophiam seje proten-
dit, ubi quicquid admirabile in natura præstat, id re-
ctè Magiae veniat nomine.

13. Primò itaq; magia ad Physicam spectat,
quatenus nimis omnia opera admiranda ad ipsā
naturam velut normam exactissimam ponderan-
tur: totius enim Magiae trutina physica est; ideoq;
hic omnia physici censuræ sunt submittenda, ac an spu-
ria naturæ proles sit Magia, an germana, disquiren-
dum. Dum itaq; physicus rerum naturalium abdi-
tas, & occultas proprietates ac affectiones de corpore
naturali per causas eruit & altius rimat, Magiam

Naturalem proficitur. Hic uberrima Naturæ secretioris oblectamenta sc̄e proibunt: in quibus masculū se humana exerceat industria, quia hic magnetis vires, quibus ferrum trahit & ad mundi se convertit polos, non obstupescat? Hinc ferrum vi magnetis supra tabulam potest saltare, nullo visibiliter lapide admoto: harenā ab invicem separari: ferrum in pariete ascendere & descendere: harenāsum exercitus præhāri, & quæ sunt innumerā siusmodi naturæ spectacula amoenissima.

PORISMA. Natura arte est præstantior; ab illa itaq; magia magis dependet quām hac: Magia enim opera nihil aliud fuit, quām Naturæ opera; Ars verò ad opus ministra saltē est & famula. Ars potens, Natura potentior, Deus potentissimus.

14. Deinde ad Botanicam etiam pertinet, quatenus ex herbarum dignotione & accurata earum cognitione debitaq; postmodum applicatiōne multa surgunt opera, quæ admirationem pariunt vulgaribus, oblectationem eruditis:

Quo enim major ignorantia, eò major admiratio. Sic *Mandragora adnata vitib⁹ vinum efficit soporiferum,*

Hac Magia Hannibal, adversus Afros rebellantes à Cartaginensib⁹ missus, lepido stratagemate victoriā obtinuit: Nam vinum Mandragorā permixtum in magna copia secum attulit: post levī p̄alio commissio, Afris consultō cessit, ubi Afri, castris eius occupatis, in gaudium effusi, vinum istud mandragorā infectum avidē biberunt; quo factō instar mortuorum altissimo sepulti sunt somno, unde Hannibal reversus omnes eos absq; difficultate captos trucidavit.

PORISMA. Nulla herba (sicut nec verba, characteres & ceremonie) tantā pollet virtute ac vi, ut corpora humana reddere possit inconsperata aut contra idūm iniuriam immunita: Corpus enim coloratum per medium recte dispositum, ab astantibus recte sc̄e habentibus non potest non videri: Molia etiam cum sint corpora humana, molliities illa, salvis manentibus anima operationibus, in duritatem motari nequit. Ubi itaq; ii, qui nostrā lingvā *Ārda* nominantur, nullam à ferro sphærulifve plumbeis sentiunt lēsionem, Diabolus ipse iestus suscipit, quo homines secum in æternum trahat perniciem. Botanica ergo à Botanomania distingvenda, vitiōsa vitiōsis relinqvenda & decus virtuti.

15. Deniq; ad Medicinam se extendit Magia, quatenus sc̄z. artificiose, recte & perfecte medi-

camenta sua miscere, temperare & comparire modo ad ea peragenda componere & applicare novit. Ex hac ipsa adversus pestem, p̄cautiones & antidota fortissima addiscuntur: Ex hac Magia parte vulnera gravissima brevissimo temporis spacio sanantur. Talem Magum fuisse Aesculapium perhibent, unde de illo versus:

Tuq; potens artis, reduces qui tradere vitas
Nostri, atq; in coelum manes revocare sepultos.
Sic hominis subitanea morte perempti calva Epilepsie
medetur, idem paeoniam praestare, medicorum testa-
tur calculus.

PORIS MA. Unguentum armatorium Diabolicum magiam sapit, non Naturalem. Nullus enim hic adest contactus vel virtualis vel corporalis. Nulla hic inter ferrum lacerans & corpus laesum sympathia. Nec obstat illum, qui tali utitur unguento, Satanæ nunquam hac in re implorasse opem. Adeat enim pactum cum Satana, si non explicitum, implicitum tamen, primus enim inventor pactum habuit explicitum, qui vero hunc sequuntur, media à Diabolo prescripta adhibendo, implicitum habent. At Cedite mortales procul hinc, latet anguis in herba.

16. Præterea ad Chymiam sese dilatat, quatenus nimirū per calcinationes, extractiones, putrefactiones, sublimationes & corporū mistorum in atomos sive minima sua ignis adminiculo resolutiones, res admirabiles ac vulgi captum excedentes perficiuntur. Hic crassa corpora spiritus sunt & spiritus viciūm crassescunt. Sic ferrum, æs, plumbum in aurum vel argentum potest mutari, aurum esse argento, ære, ferro, &c. extrahit. Hic Chymica illa

*principia Sal, Sulphur & mercurius à corpore mixto
artificiose separantur. Et pura ab impuris secernuntur,
undē non solum admiranda, sed etiam utilissima sāpē
surgunt opera.*

PORISMA. Metallorum quorundam transmutationem negare est
Experientia reclamare & invalidis rationibus pīmūm confidere. Sensus
enim dimittere in iis, quæ sensibus manifesta sunt, & querere rationes, imbe-
cillitas humani est ingenii.

17. Tandem ad Mathematicam etiam spectat, ubi ex hujus principijs stupenda in Natura opera construuntur. Sic Magia docet ignem longissime ejaculari, pneumatica horologia miro artificio conficere, & quæ sunt sexcenta hujusmodi arcana utilissima. In hac Magia specie laudem reliquis præripuit Archimedes Syracusanus Philosophus & verè magus, qui specula fecit concava, quibus Romanorum Syracusas obſidentium classem incendit, in instrumentis suis hostes tanto perculit terrore, ut non amplius cum hominibus, verum cum Diis sese pugnare perswasum haberent: idem vitreum fecit cōlum, ubi sub pedibus spectare licuit sidera. Hunc æmulatus Drebelius, globum confecit circumrotabilem, ostendente Annos, menses, dies, horas, cursum planetarum. Et c.

PORISMA. Opera Magia cum utilitate debent esse coniuncta.
Non enim omnia, quæ magia nomine circumferuntur, laudem merentur;
Reperiuntur non pauci, qui plura inania & inutilia, quam frugifera se cantur,
qualia sunt: homines dementare, mulieres vēstibus denudare, gemmas spurias producere veris prorsus similes, omnis generis monstra procurare, à quibz
tm. & Deus & Natura abhorrent. Sie tamen artis ineritis est vinum vertere in a-
camum. Recte enim Scal. Exerc. 326. dicit: Nostri vindelici & Norici ma-

Hoc alterare huic aduersam: malint forte eandem nostri Sveci & Fenni. Si etiam sterilis est ars Muscam crudere ferream, quæ ē domini manu egressæ, presentes circumvolvet fessasq; ad manum beri revertatur: Membranæ, que nucis cortice consineantur, Homeri iliadem inscribere: Navem eburneasq; parvam facere, ut pennis apicula tegi queat. Hæc & similia, cum nec necessitatem ullam nec utilitatem adferant, & artefici magis quam empori proficit, multum laudis non merentur. Homines utilia ignorant, quia industria didicerunt.

18. Specialiter autem ad Astrologiam pertinet magia, & cum ipsa divinâ quadam confortij lege conspirat, quatenus nem pè ex peculiari siderum influxu rerum consensus & dissensus non sine voluptate eruantur, atq; metallorum, lapidum, herbarum & animantium effecta, vires ac motus panduntur. Hinc herbæ, lapides, metalla, homines, bruta Saturnina, Jovialia, Martialia, Solaria, Venerea, Mercurialia, Lunaria. Sic Heliotropium abortu in occasum Solem insequivitur, abeuntem intuetur, cumq; eo circumvolvit. Oriente canicula mare aestuat, vina in dolis fervet ac ebullit. Sic etiā pro vario luminis motu & constitutione, vario etiam aestu ipsum mare cōcitatur, nūc insumescit nunc detumescit, fluit ac refluit. Formicæ interlunio quiescunt, plenilunio etiam noctibus operantur. Cancrorum, ostreorum & conchyliorum corpora cum Luna augentur & immunuuntur, imò in herbis, brutis & ipsis deniq; hominibus pro diverso Luna positu humores accrescunt & decrescent.

F O R I S M A. Abra suo influxu in voluntatem hominis non agunt: scilicet directe & necessariò: inclinant altra, non cogunt. Sapiens erga

ergo nullis dominabitur, dum iisdem affectata servitute insipient tubaece.

19. Ad Oeconomiam non incompetenter refertur magia, quatenus parvâ rej familiaris jacturâ domesticas res parare & paratas admirabiliter conservate facit. Hic tempora fructibus serendis & colligendis, lignis secandis, alijsq; in oeconomia operibus præstandis idonea panduntur, ut usum nobis præsent longiorem, commoditatem maiorem. Plura quidem adhuc pro ipsis Magia Majestate & amplitudine pugnantia promi possent, quæ brevitatis ergo hic omittuntur.

PORISMA. Spiritus familiares acceptandi non sunt, sed Christiano homini veneni instar fugiendi. Sunt ed dementia quidam progressi, ut potent se his licet uti spiritibus (Dragodice) ab iisq; fortunas ac divitias accipere: certis etiam inclusos erga talis quidam tales gestant, doctrinam & honores ab illis reportant. Verum nulla homini cum Diabolo societas, orandum potius & laborandum.

20. Præter magiam hanc licitam è pulcherrimo Libro Natura petitam, datur etiam, ut diximus, alias infamis & Diabolica, qvæ est privatio Habitū Magiæ Naturalis, qvem in mancipijs suis supplere conatur Dæmon.

21. Hec varijs & ferè innumeris fit modis: milite enim nocendi artibus in genus humanum Satanus fremit, miseros homines seducendo. Ad tres autem generales species reduci potest feda & detestabilis hæc Magia, quod sit vel Divinatoria, vel Præstigiatoria, vel Effectoria.

Præstigiatorum
modus a.
22. DIVINATORIA est rerum abditarum ope
Dæmonis parta cognitio. Cum enim Satanæ spi-
ritus sapiens sit, & multarum rerum abstrusissima-
rum cognitionem habeat, ideoq; homines arcana & oc-
cultâ docere facile potest. Sicut autem ipse Diabo-
lus se sifit vel candidum ac velut Angelum Lucis, vel
Nigrum & spiritum tenebrarum; ita magia hac
ufaria est vel subtilis, vel crassa. utraq; infinitis fit
modis, quo tamen hic recensere operæ pretium non
ducimus.

PORISMA. Diabolus homines reverâ à mortuis suscitare ac per
eos divinare non potest. Soli enim D E O Animarum competit reunitio.
Hinc etiam sequitur animas sagarum extra corpora, abripi & ad nocturna co-
mnia transferri vicissimq; cum corporibus uniri neutiquam posse.

23. PRÆSTIGIATORIA est admirandorum o-
perū sed apparētium auxilio Diaboli productio.
Non enim omnes Satanae effectus veri sunt & tales
quales apparent, sed putatij; perplurimi, quibus calli-
dissimus ille spiritus hominibus səpè imponit, dum o-
culi tam magorum, quam aliorum aspectantium, per-
mittente ita Deo, fascinantur & illuduntur.

24. Tripliciter autem præstigijs hisce homines
decipere solet. 1. Objectum verum removendo.
Sic magus quidam rustico devoravit currum cum foeno
& equis. 2. Objectum falsum offerendo. Sic ferunt
Paserem discubitus hospitibus lautissima convivia
monstrasse, eaq; vicissim statim evanuisse, discuben-
tibus omnibus fame & siti clusis. 3. Sensus pver-
ten-